

Lozcwngz “Sam Nyied Sam” Hoz- dung Miz Daegsaek Minzcuz Lai

罗城“三月三”活动突出民族特色



▲Foux gyongraez Yauzcuz.

3 nyied 26 hauh, Lozcwngz Mulauj-cuz Swciyen gawjhengz minzsuz, ndawbiengz vwnzyi langhyienj hozdung, rag hai fanmuq aen yienh neix “sam nyied sam Bouxcuengh • ciet hoenghi Betgveiq” haehlied hozdung.

Dang ngoenz, doihyienjheiq, doih-saeceij duzlungz, doih-saeceij max dai

Swbaj Cin、Siujcangzanh Cin、Nazvungh Yangh caeuq ndaw yienhsingz daeuj haenx hawj bouxyawj biujyienj le fouxlungznywj、fouxlungzbaengz、foux-saeceij、fouxsaeciej max、conzdungj caijdiu、daenj buhvaq minzcuz langhbyaij、fouxgyongraez Yauzcuz、hoenxgienz daengj cezmuz miz minzcuz daegsaek, biujyienj ndei yawj raixcaix, ndaej daengz bouxyawj bekfwngz ruru.

Ciuq cam rox, mbat hozdung “sam nyied sam” neix ndawde, aen yienh neix cawz liux gawjhengz minzsuz、ndaw-biengz vwnzyi langhyienj le, lij youq Cwngzlunghuz Gunghyenz Byaijbo Gvangcangz gawjhengz “sam nyied sam Bouxcuengh • hoih Fwencuengh Lozcwngz”、ciengj haeuxfaengx、giuz faexcuk Mulauj daengj minzcuz conzdungj dijjuz doxdax, gawjhengz gyaehoengz cienz cingz、minzcuz daih lienzvuen vanjvei dongfeiz、cimz gijgwn ndeigwn Mulauj daengj hozdung.

(Veiz Yuzdai/韦如代)



▲Langhbaij ndangdaenj minzcuz.

Beixnuengx Hawcou Biengz Geu- ndaw Angq Hag Sawcuengh

2017年云南·丘北壮学会第二期 壮语文培训班顺利结业

Vih swnjeienz vwnzva Bouxcuengh Biengz Hawcou, coicaenh boux gyaex Sawcuengh Biengz Hawcou hagsib Sawcuengh. Youq seiz ciet “sam nyied sam Bouxcuengh Hawcou” yaek daengz, Boengj Hagcuengh Biengz Hawcou hai guh vwnzva hueddoengh aeu “Biengz Canghwj Yawzyed, Ciet Naengjcw X Angqsoj” guh cawjdaez haenx, hai guh Aen Ban Faekbaenz Sawcuengh Mbat Daihngieih Biengz Hawcou. Ngoenz 29-30 ndwen 3, Beixnuengx Biengz Hawcou doxcomz youq Aen Ranzlaej Laux Gimhang hag Sawcuengh nyauznauz, miz 126 boux hagseng daeuj haeujrumj hagsib Sawcuengh. Boux cienzriuz vwnzva Bouxcuengh、Bouxayej Luz Swngnyungz hawj boux hagseng son fatyaem caeuq gyoepraiz Vahcuengh daengj vamzrox giekdaj.

(Vangz Veijcungh/王伟忠)



▲Seiz hwnjdangz.



◀Mbaw cwng-gezyez ban beiz-yin Sawcuengh.



▲Hongfwngz meijsuz langhbaij.



▲Foux duk haeuxfaengx.

Gyanghbingz Cunh Siujyoz Gawjbanh “Sam Nyied Sam” Vwnzva Bouxcuengh Vwnzyi Langhyienj

江平村小学举办“三月三”“壮”文化文艺展演

3 nyied 29 hauh, vih angqhoh ciet “sam nyied sam” Bouxcuengh neix, Sangswih Yen Swhyangz Cin Gyanghbingz Cunh Siujyoz baez daih’it banh baenz “sam nyied sam” vwnzva Bouxcuengh vwnzyi langhyienj.

Mbat hozdung neix aeu 14 aen cezmuz youz 6 aen daegsaek seqduenz vwnzva Bouxcuengh ndaw hag bienhbaiz biujyienj, cezmuz cujyau hingz sik miz minzcuz yinhyoz、minzcuz vujdauj、minzcuz dijjuz daengj. Hozdung neiyungz lij miz meijgungh、suhfaz langhbaij caeuq cimz haeuxnaengj dem, nauhyed raixcaix.

Sangswih Yen Swhyangz Cin Gyangh-

bingz Cunh Siujyoz dwg aen hag Cuengh Gun song saw vah sonhag sawqniemh hagdangz he. Vih coengh lauxsae son ndei hagseng hag ndei, mboujduenh daezsang gij gyacizgvanh、sigaigvanh、simjmeijgvanh gyoengqde, doengzeiz lij dawz aen hagdangz neix dajcauh baenz miz suciz gyauyuz、minzcuz gyauyuz、daegsaek gyauyuz, cingjdaej dawz aen hagdangz neix dwkcauh baenz aenhag vwnzva “Cuengh”, aen hagdangz neix haibanh liux Cuengh Gun song saw vah cangcoz、minzcuz yinhyoz、minzcuz vujdauj、minzcuz dijjuz、meijgungh caeuq sufaz daengj roek aen seqduenz miz vwnzva daegsaek Bouxcuengh.